



UPA 2015/58
21. april 2015
Múte Bourup Egede

Inatsisit attuumassuteqartut allanngortinneqarnissaannut siunnersuummik UPA 2016-imut Naalakkersuisut suliniuteqaqqullugit peqquneqarnissaat pillugu Inatsisartut aalajangiiffigisassaattut siunnersuut, taamaaliornikkut inoqutigiit 400.000 kr.-t ataallugit isertitalit napparsimasut angerlarsimaffianni nerisaqarnermut ineqarnermullu akiliuteqartarunnaarsinnaaqqullugit.

(Inatsisartunut ilaasortaq Anthon Frederiksen, Partii Naleraq)

Partii Naleraq sinnerlugu Inatsisartunut ilaasortap Anthon Frederiksenip siunnersuutaa Inuit Ataqatigiinniit paasilluarlugu imak oqaaseqarfigissavarput.

Napparsimalersimatilluni pingaartumillu perululluni napparsimalersimalluni pinngitooresinnaanngilaq ilaquuttanit asaanit tapersorsorluarneqarnissaq. Taamaalillunimi napparsimalersimasup toqqissisimanerunermigut peqqissinissaminut imminut suliarisinaanerulertarnera.

Siunnersuuteqartutuulli ilisimavarput nappaamik eqqugaasimasut ilaquutaasalu artornartumik nalaataqarnerisa saniatigut allatigut, soorlu aningaasatigut erloqinartumik inissittoqartarnera. Siunnersuuteqartoq taamatut nalaataqartunut iluaqutaasinnaasumik siunnersuuteqarmat Inuit Ataqatigiinniit ilalerusupparput. Taamaattorli siunnersuutip aaliangersimasumik isertitalinnuinaq atuutsinneqarnissaa paasilluarsinnaagaluarlugu allaffissornerulernissamik kinguneqarsinnaamat allanngortinneqassasoq siunnersuutigerusupparput.

Siunnersuut napparsimasunut ilaqutaanullu pitsanngorsaataasinnaasumik imaqarmat Inuit Ataqatigiinniit ataatsimiitsitaliamut ingerlateqqinneqassasoq innersuupparput. Ataatsimiitsitaliami immikkoortoq una kiisalu Inatsisartunut ilaasortap Mimi Karlsenip Inuit Ataqatigiinnersup siunnersuutaa imm. 115 ataatsimut suliarineqassasut kissaatigaarput. Siunnersuutimmi taakku marluullutik imminnut ataqatigiiffeqarmata.